



KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	HARIAN METRO			
TARIKH	:	01.11.22	MUKA SURAT	:	16
JABATAN	:	SURUHANJAYA TENAGA			



“
Program CGPP
bagi bolehkan
syarikat korporat
di Malaysia capai
komitmen ESG
Takiyuddin Hassan

Kerajaan galak korporat guna tenaga elektrik hijau

Putrajaya: Kerajaan memperkenalkan Program Tenaga Hijau Korporat (CGPP) bagi membolehkan syarikat korporat di negara ini menggunakan tenaga elektrik hijau melalui pemasangan sistem solar fotovoltaik (PV). Menteri Tenaga dan Sumber Asli, Datuk Seri Takiyuddin

Hassan berkata, melalui CGPP, program itu menggunakan mekanisme Perjanjian Pembelian Tenaga Maya atau *Virtual Power Purchase Agreement* (VPPA) dengan jumlah kuota sebanyak 600MW. “Program ini membolehkan syarikat korporat beroperasi di Malaysia mencapai komitmen Alam Sekitar, Sosial dan Tadbir Urus (ESG). “Ini juga berupaya menggalakan syarikat sedia ada serta menarik syarikat antarabangsa lain melabur di Malaysia,” katanya ketika

mengumumkan program itu di sini, semalam. Sebelum ini, syarikat di Malaysia boleh memenuhi komitmen penggunaan tenaga elektrik hijau melalui Program *Net Energy Metering* (NEM) dan *Self Consumption* (SelCo). Syarikat juga boleh membeli sijil Tenaga Boleh Baharu (TBB) atau membuat langganan Tarif Elektrik Hijau (GET). Takiyuddin berkata, program CGPP, syarikat korporat layak boleh memeterai Perjanjian Tenaga Hijau Korpo-

rat (PTHK) dengan penjana tenaga solar bagi penjualan dan pembelian Tenaga Boleh Baharu (TBB) secara maya dengan terma dan syarat dipersetujui bersama. PTHK ialah suatu ikatan perjanjian perlindungan harga kewangan diwihala yang memperincikan struktur penetapan harga yang dipersetujui antara pihak syarikat korporat dengan penjana tenaga solar berdasarkan nilai atau faedah kewangan tersedia melalui pengurangan pelepasan gas rumah hijau (GHG) diper-

oleh daripada penanaan tenaga solar. “Pemeteraian ikatan kontrak perlindungan harga kewangan antara syarikat korporat dengan penjana tenaga solar akan membolehkan pihak penjana menyertai pasaran elektrik yang dikendalikan oleh *Single Buyer* melalui mekanisme *New Enhanced Dispatch Arrangement* (NEDA),” katanya. Beliau berkata, melalui perjanjian ini mengurangkan risiko ditanggung oleh penjana tenaga solar ekoran turun naik harga elektrik.

HM011122_16

Unit Komunikasi Korporat | Kementerian Tenaga dan Sumber Asli
No. Tel. : 03-8000 8000 | Faks : 03-8889 4763 | Web : www.ketsa.gov.my



KeTSAMalaysia



KeTSAMalaysia



ketsa.malaysia